




ՎԵՀԱՓԱՌ ՀԱՅՐԱՊԵՏԻ ԽՈՍՔԸ՝ ՈՒՂՂՎԱԾ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՂԵԿԱՎԱՐՆԵՐԻՆ ԵՎ
ՀԱՅԱՍՏԱՆՈՒՄ ՀԱՎԱՏԱՐՄԱԳՐՎԱԾ ԴԵՍՊԱՆՆԵՐԻՆ
(6 հունվար 1994 թ.)

Քրիստոս ծնաւ և յայտնեցաւ:

Ուրախությամբ կողջունենք ավետիսը Քրիստոսի ծննդյան և պատգա-
մը երկնքի հրեշտակների՝ «յերկիր խաղաղութիւն, ի մարդիկ հաճութիւն»:

Կարծում ենք, որ ավելի քան երբեք մեր օրերի մարդկությունը, ժողո-
վուրդները կարիք ունեն լսելու և կյանքի կոչելու այս պատգամները:

Եվ հատկապէս մեր ժողովուրդը, հաշ ժողովուրդը կարիք ունի խաղա-
ղության և փոխադարձ հաճության իր զավակների միջև: Մենք մնում ենք
միշտ աղոթող խաղաղության հաստատման ի Հայաստան և հԱրցախ:

Այս խոհերով շնորհավորում ենք աշտեղ ներկայությունը մեր Հանրա-
պետության հարգարժան նախագահի և մեր պետական իշխանությանը
ներկայացուցիչների, ցանկանալով նրանց լիակատար հաջողություններ ի-
րենց հաշրենաշեն առաքելության ճանապարհին 1994-ի ընթացքին:

Խորին հարգանքով ողջունում ենք նաև բարեկամ պետությանը հար-
գարժան դեսպաններին, որոնք բարի եղան պատասխանելու մեր հրավե-
րին և ներկա լինելու Մաշր տաճարի սրբազան արարողություններին, Քրիս-
տոսի Սուրբ Ծննդյան տոնախմբության առթիվ:

Շնորհակալություն բոլորին: Նաև Մեր աղոթքն է, որ Տերը մեր բա-
րեկամ պետությանը և ժողովուրդներին պարգևի իր կենարար շնորհները
խաղաղության և բարգավաճման:

Զեզ և մեզ մեծ ավետիս՝ «Քրիստոս ծնաւ և յայտնեցաւ»:

